

中國古典文學基本叢書

徐鉉集校注

第四冊

中華書局



中國古典文學基本叢書

徐鉉集校注

（附徐鍇集）
第四冊

〔宋〕徐鉉撰
李振中校注

中華書局

徐鉉集校注卷二五

碑銘

大宋推誠宣力翊戴功臣金紫光祿大夫檢校司徒使持節齊
州諸軍事齊州刺史充本州防禦使河隄等使關南兵馬
都監兼御史大夫上柱國隴西郡開國侯食邑一千九百

户李公德政碑文^①

臣聞四岳疇咨，帝堯所以光宅^②；惟良共理^③，漢室於是隆興。然則運曆冥符，風雲
交感，必有則哲之后^④，乃有稱職之臣，用能遠肅邇安，刑清俗富。其或久於其道，課最于
時，行邊按部籍其能，群吏萬民浸其澤，流芳金石，舊典存焉。公名漢超，其先隴西人，因
官移籍，今爲雲中人也。柱下史之真源^⑤，克昌厥後；前將軍之壯氣^⑥，不隕其聲。世
有哲人，多爲名將，備諸前載，可以不書。昔者同光之季，莊宗失馭^⑦，公烈考諱霸德，

實典親衛，力扈乘輿，奮不顧身，有死無二，忠顯于國，慶鍾于家。及公之貴，詔贈左監門衛將軍。夫人石氏，追封本縣太君。道不虛行，沒而可作，有後之報，斯焉豈誣^⑤。公方幼而孤，嶷然特立。英果之氣，出於天資^⑥；遠大之期^⑦，志爲時用^⑧。年未弱冠，自奮從軍，始負羽於魏侯^⑨，復策名於鄆帥^⑩。有周受命，選人禁軍。夫忘歸之鏃，非逢蒙無以宣其利^⑪；絕影之駿，非造父無以騁其能^⑫。今上當歷試之辰，受有征之任，妙選比較，公首預焉。上黨之役^⑬，名書勳籍，奏發硃之刃，起漸陸之程。及眷命有歸，飛天在運，攀鱗之效，捨爵攸先，乃掌句陳^⑭，式嚴微道。恩威洽著，而七萃知方^⑮；夙夜惟寅，而九重甘寢。耆歲考績^⑯，較然可稱。皇上以文武之任，中外惟一。有和衆之略，必著撫俗之能；有衛社之勤，必堪守土之寄。越建隆二年，拜齊州刺史^⑰、本州防禦使。爾乃海岱封圻，虛危躔次。歷下屯兵之地^⑱，夙表要衝；東陵聚衆之鄉^⑲，素稱暴桀。公本以簡易，濟之強明，恕己以兼容，正身而可象。先之以孝悌，故其民和，則爭訟息而囹圄虛矣；示之以誠明，故其民信，則賦役充而儲廩實矣。農時不奪，故曠土闢而生殖滋^⑳；關市無征，故百貨通而財用足。於是舉廢典，正國容，樹門反坫，以備制度，高閭厚垣，以待客使，烝肴折俎，以宴嘉賓，椎牛醢酒，以享軍旅，出於私積，無以家爲。近悅而遠懷，家至而戶到。

一年而宿弊革，載稔而新政行，郡齋肅然，清嘯而已。由是知董戎之用，可移之於頒條；露冕之風，可推之於護塞。乾德二年，詔公以本官充關南兵馬都監。幽都南際，河間北壤，守方之要，慎束爲難。至則遠斥候，審號令，養士如子，戢軍無私，威聲颯馳，亭障山立。絕闕邊之虜，有狎野之農，而郡之大事，亦皆聽命。千里之內，若指掌焉。二職交修，七載如一。開寶二年，召赴京師，天言褒慰，復遣還郡。而戍士思慕，賁俗繫憑，故其年冬再爲關南監護。公負倜儻之氣，蘊沈厚之謀，民已安而政益修，邊既寧而備愈謹。績茂而不伐，寵至而若驚。君子知福祿之攸歸，郡人感惠澤而思報。於是僚吏之屬，耆艾之徒，相與上言，願旌不朽。且曰：「任賢使能，天子之明也；計功稱伐，先王之典也。非有理世，孰揚頌聲？」優詔嘉之^⑫，克遂其請。昔者考父「循牆」之頌^⑬，非曰君恩；當陽「沈水」之文^⑭，真成自伐。豈輿情欣洽，令譽升聞，播樂石於無窮，等高山而可仰。永惟懿美^⑮，足煥文明。爰命下臣，勒銘紀實。其辭曰：

茫茫禹迹，畫爲萬國，建侯定守，立民之極。提封且千，屬城以百，惟威惟懷，有典有則。威懷伊何？君子時中，典則伊何？三代同風。以使則悅，以令則從，率是古道，茲惟李公。濟水之南，東陵之下，伏生荒耄^⑯，盜跖狙詐。嗟我蒸黎，孰聞道化^⑰，至魯猶

遠，尊周靡暇。李公來思，富之教之，政先體要，物必由儀。夜犬無撓，晨羊不欺，歸民影附，末俗風移。天下雖平，四方是守，桓桓虎旅，懾爾戎醜。籍我兼資，是率是糾，道合舞干^{〔八〕}，威行戴斗。郡政既成，邊塵既清^⑤，侁侁比屋，肅肅連營。夫懷其惠，人竭其誠，欲報之恩，思垂頌聲。明明大君，知臣善使，舉必至公，義無虛美。用建隆碣，永昭信史，錫爾介福，施于孫子。晉稱峴首^{〔九〕}，漢紀燕然^{〔一〇〕}，風流不續，寥落千年。猗歟良牧，無愧前賢，高深自改，蘭菊常傳。

【校記】

- ① 文：四庫本作「銘」。
- ② 惟：李刊本作「三」。
- ③ 則哲：李校：「一本作」作哲」。
則：翁鈔本作「前」。
- ④ 馭：四庫本作「政」。
- ⑤ 焉：李校：「一本作」言」。
- ⑥ 資：黃校本作「性」。
- ⑦ 期：四庫本作「志」。

⑧ 志：四庫本作「斯」。

⑨ 負羽：四庫本作「委質」。

⑩ 菁：四庫本、黃校本作「暮」。

⑪ 闕：原作「關」，據四庫本、黃校本、李刊本、徐校改。

⑫ 優：四庫本作「復」。

⑬ 美：四庫本作「績」。

⑭ 孰：原作「熟」，據四庫本、李刊本改。

⑮ 塵：四庫本作「庭」。李校：一本作「庭」，一本作「城」。

注

〔一〕作於宋開寶九年（九七六）十一月。碑主爲李漢超。宋史卷二七三本傳：「李漢超，雲州雲中人。

……從平李重進，尋遷齊州防禦使。……在郡十七年，政平訟理，吏民愛之，詣闕求立碑頌德，太祖

詔率更令徐鉉撰文賜之。」續長編卷一七「開寶九年」：「（十一月）漢超在齊州凡十七年，……詔太

子率更令徐鉉爲之文。」據此，知漢超在齊州凡十七年及徐鉉撰碑之由。文曰：「越建隆二年，拜齊

州刺史、本州防禦使。」建隆二年爲九六一年，在郡十七年，則爲漢超立碑應在太平興國二年（九七

七）。按：上引史書皆云太祖詔鉉爲文，則應從續長編繫於開寶九年十一月。鉉文謂漢超於建隆

二年拜齊州刺史、本州防禦使以及史書言其在齊州十七年，蓋其之前已任官齊州，太祖即位后重新任命。而上引續長編后小字注云：「漢超立碑在開寶八年十一月。」開寶八年（九七五）十一月，鉉尚未歸宋。不從之。故繫於此。

〔三〕「四岳疇咨，帝堯所以光宅」句：『史記卷一五帝本紀：「堯曰：『嗟！四嶽：朕在位七十載，汝能庸命，踐朕位？』嶽應曰：『鄩德忝帝位。』堯曰：『悉舉貴戚及疏遠隱匿者。』衆皆言於堯曰：『有矜在民間，曰虞舜。』」疇咨，訪問、訪求。尚書正義卷二堯典：「帝曰：『疇咨若時登庸。』」孔安國傳：「疇，誰；庸，用也。」

〔三〕柱下史之真源：老子爲真源（今河南鹿邑縣）人，曾爲周柱下史。參卷一〇武成王廟碑注（二〇）。

〔四〕前將軍：『史記卷一〇九李將軍列傳：「大將軍、驃騎將軍大出擊匈奴，廣數自請行。天子以爲老，弗許；良久乃許之，以爲前將軍。」

〔五〕「同光之季，莊宗失馭」句：指同光四年（九二六）四月，從馬指揮使郭從謙嘩變，焚興教門，唐莊宗遇難。見舊五代史卷三四莊宗本紀。

〔六〕「始負羽於魏侯，復策名於鄆帥」句：『宋史卷二七三李漢超傳：「始事鄆帥范延光，不爲所知。又事鄆帥高行周，亦不見親信。」范延光，後唐時爲鄆都留守，降晉，後又反。舊五代史卷九七、新五代史卷五一有傳。高行周，歷唐、晉、漢、周四朝。舊五代史卷一二三、新五代史卷四八有傳。

〔七〕「忘歸之鏃，非逢蒙無以宣其利」句：謂李漢超箭法精準，堪比逢蒙。忘歸，良箭名。以一去不復

返，故稱。公孫龍公孫龍子迹府：「龍聞楚王張繁弱之弓，載忘歸之矢，以射蛟兕於雲夢之圃。」文選卷二四嵇康贈秀才人軍五首其一：「左攬繁若，右接忘歸。」李周翰注：「忘歸，矢名。」逢蒙，古之善射者，曾學箭於后羿。見孟子卷八離婁章句下、荀子卷四儒效。

〔八〕「絕影之駿，非造父無以騁其能」句：絕影，良馬名。三國志卷一魏書一武帝紀：「公與戰，軍敗，爲流矢所中。」裴松之注引王沈魏書：「公所乘馬名絕影，爲流矢所中。」造父，古之善御者，趙之先祖。因獻八駿幸於周穆王。穆王使之御，西巡狩，見西王母。見史記卷四三趙世家。

〔九〕上黨之役：指建隆元年（九六〇）六月乙酉宋太祖伐上黨。見宋史卷一太祖本紀。

〔一〇〕乃掌句陳：謂掌禁軍。句陳，星名。該星主天子六軍將軍，因代稱禁軍。隋書卷一五音樂志下：「句陳乍轉，華蓋徐移。」

〔一一〕七萃：指禁衛軍。穆天子傳卷一：「天子乃樂口，賜七萃之士戰。」郭璞注：「萃，集也，聚也；亦猶傳有七輿大夫，皆聚集有智力者，爲王之爪牙也。」

〔一二〕齊州：即濟南府。隸京東路。見宋史卷八五地理志一。治所在今山東濟南市。

〔一三〕歷下：仇兆鰲注杜甫陪李北海宴歷下亭歷下亭引朱鶴齡注曰：「歷下，在齊州，以有歷山而得名。」

〔一四〕東陵：盜蹠居東陵。此指齊州之地。莊子外篇駢拇：「伯夷死名於首陽之下，盜蹠死利於東陵之上。」文選卷五五劉孝標廣絕交論：「南荆之跋扈，東陵之巨猾。」李善注：「東陵，盜蹠也。」

〔一五〕考父循牆之頌：左傳昭公七年：「及正考父佐戴、武、宣，三命茲益共，故其鼎銘云：『一命而偁，」

再命而偃，三命而俯，循牆而走，亦莫余敢侮。饘於是，鬻於是，以餬余口。」

〔二六〕當陽「沈水」之文：杜預以功進爵當陽縣侯。晉書卷三四本傳：「預好爲後世名，常言『高岸爲谷，

深谷爲陵』，刻石爲二碑，紀其勳績，一沈萬山之下，一立峴山之上，曰：『焉知此後不爲陵谷乎！』」

〔二七〕伏生：名勝，或云字子賤，漢時濟南人。原爲秦博士，治尚書。秦始皇焚書，伏生以書藏壁中。漢興

後，求其書已散佚，僅得二十九篇，以教於齊、魯間。文帝即位，聞其能治尚書，欲召之。然伏生年已

九十餘，老不能行，乃詔太常使掌故晁錯往受之。參尚書正義卷一尚書序。

〔二八〕舞干：文德感化。尚書正義卷四大禹謨：「帝乃誕敷文德，舞干羽於兩階，七旬，有苗格。」

〔二九〕晉稱峴首：晉羊祜任襄陽太守，有政績。後人以其常游峴山，爲立碑紀念。見晉書卷三四羊祜傳。

〔三〇〕漢紀燕然：後漢永元元年，竇憲領兵出塞，破北匈奴，登燕然山，刻石勒功。見後漢書卷二三竇

憲傳。

大宋鳳翔府新建上清太平宮碑銘 并序〔一〕

臣聞鴻荒代序，太極流形，二儀肇判而猶通，萬類交馳而未別。巢居血飲，孰知王者之尊？物魅神姦，尚作生民之患。於是聖人繼統，大化宏開，畫八卦而序四時，奠五山而

分九服。衣裳軒冕，采章之制以庸；動植飛沈，性命之宜畢遂。高卑既位^①，幽顯既分，蒸嘗雩禘致其恭，宗祝史巫紀其秩。猶或觀其道而設教，依於人而後行，通其變而不窮，感於物而遂動，未始有極^②，無得而名。其或數偶三災^③，德如二季^④，民懷慈衛^⑤，帝念疇咨，必有靈符，允歸興運。易著與能之旨，傳稱觀政之徵，史遷之論至哉^⑥，左氏之書詳矣。我國家受天之命，如日之升，御六氣而平泰階，麗大明而照萬國，清亂略於百王之季，反淳風於遂古之初。天瑞呈祥，群靈受職。粵御曆之元祀，有神降于鳳翔府整屋縣之望仙鄉。其象不形，其言可紀。蓋玄帝之佐命，禹強之官聯，真位參於紫微，靈職分於井鉞。其稱述則儒玄之奧旨，其敷演則禳禱之嚴科。教義之深也，則孝友姻睦之行興焉；威力之大也，則魍魎魑魅之害除矣。由是秦雍之地，尸而祝之。太祖神德皇帝，聖智淵深，睿謨默識，饗之明德，待以不祈。方且奉天時而答靈心，握玄符而齊七政，故得皇猷允塞，庶績其凝。舞兩階而四陳來同，正九伐而庶邦承式。得遺珠於罔象，協吉夢於華胥。乃知玄告之不誣^⑦，駿命之如響。豈止五車兩騎，來爲牧野之祥^⑧；赤帝素靈，出表芒碭之應而已哉^⑨！今皇帝千年應運，二聖繼明，恢大業而惟新，浸深仁而累洽。如周王之翼翼^⑩，若夏后之孜孜^⑪。聖作無方，先幾靡測。雲門、大獲^⑫，綜六代之昭聲；稷

下、淹中^(一〇)，采百家之精義。酌而不竭者，衢樽之味；仰之彌高者，垂象之文。王澤既流，頌聲無斁，而復念深溪后^(一一)，義切勤民，睿眷春臨，皇威電擊。大禹會諸侯之地，盡入隄封^(一二)；宣王逐獫狁之鄉，率從稽服^(一三)。舉無遺策，役不逾時，聊存尉候之官^(一四)，已戢橐鞬之器^(一五)。瑶圖之盛也如此，珍符之至也如彼。深惟肸蠁，益驗昭明。而豐報未嚴，壽宮不度，非所以光敷景貺，垂示方來者也。夫庸庸祗祗，爲政之要；元元本本，致理之端。蓋神之命受於天^(一六)，天之造始於道，是用歸誠衆妙，訪制昭臺^(一七)，申畫福鄉，聿崇仙館。緬惟虛皇之真境，參以聖曆之嘉名，詔立上清太平宮於所降之地。爾其星分玉井，邑峙金城，終南峻極鎮其前^(一八)，渭水清深紀其後。鮮原靡池，接漢皇訪道之臺^(一九)；佳氣鬱葱，對關令棲真之宅^(二〇)。物皆茂遂，風雨罔愆，人盡淳和，舟輿不用。瞻新宮之爲狀也，崇墉繚野，絳闕凌空。秘殿雲高，俯軒櫺而轉眩；修廊繩直，步欄宇而中疲。極丹青黼藻之工，窮銑鏤璧璫之飾。玉几正御，瑤壇在庭。帝座既嚴，衆真畢饗。鹿巾霞帔之士，霓旌隆節之儀，空歌洞章揚其音，紫煙素雲散其彩。飈欵之馭，縹眇於太虛；氤氲之氣，充被於群有。至矣哉！元后之德，與天地合；真人之應，將富壽并。亦何必定邾鄆以卜年^(二一)，禪岱宗而探策者也^(二二)。夫金石之刻，雅頌之興，所以「示民不佻」，求啓厥後^(二三)。況乎尊道貴

德，廣清淨之風；窮神知化，超言象之表。是宜告於太史，副在名山。爰命下臣，式揚丕烈。其銘曰：

上天之載，無臭無聲。恍惚有象^⑩，氤氲化成。寄以神理，發爲昭明。惟德是輔，惟皇作程。赫矣元后，悠哉遂古。成有靈貺^⑪，式昭天祚。龜出清洛^⑫，鳳臨玄扈^⑬。赤字興堯，玉書授禹。降及商亳^⑭，建于邠岐^⑮。天之所啓^⑯，神亦格思。牲玉有秩，馨香孔儀。弈弈宗祝^⑰，子孫保之。道德下衰，質文不復。俗限楚夏，運遷水木。時歎陵夷，民嗟慘黷。必有真人，應圖受錄。皇哉帝宋，大拯橫流。出自蒼震，類茲九疇。垂衣卷領，端拱凝旒。永言建福，式協人謀。有煒明靈，降從玄極。致帝之命，觀政之德。用薦忠信，寧惟黍稷。藉陋蕙蘭，帳非甲乙。運鍾二聖^⑱，慶洽重光。誕敷一德，奄有八方^⑲。時文載郁，我武惟揚。通幽受職，罄宇儲祥。乃眷珍符，本乎至道。肇建仙館，是彰玄造。前望終南，旁瞻豐鎬。泱泱平原，崇崇新廟。端闌特立，秘殿宏開。九華之室，方丈之臺。平闕列闕，直寫昭回。崆峒邈爾^⑳，姑射遼哉^㉑。聖靡不通，道無不在。靈場既穆，祀典無改。福爾蒸黎，格于四海。用刻貞珉，永垂千載。

【校記】

- ① 位：李校：一本作「定」。
- ② 始：四庫本作「知」。
- ③ 衛：黃校本作「惠」。
- ④ 遷：原作「遇」，據翁鈔本、四庫本、李刊本、徐校改。
- ⑤ 告：李校：一本作「誥」。
- ⑥ 護：原作「護」。據四庫本、黃校本、李刊本改。下篇同。
- ⑦ 命受：李刊本作「受命」。
- ⑧ 峻極：四庫本作「高峻」。極：李校：一本作「聳」。
- ⑨ 求：李刊本作「永」。
- ⑩ 恍惚：李校：一本作「忽悅」。
- ⑪ 成：李刊本作「咸」。
- ⑫ 之：原作「子」，據李刊本、徐校改。
- ⑬ 祝：李刊本作「祀」，並校：一本作「禘」。
- ⑭ 鍾：李刊本作「隆」。

⑮ 方：李刊本作「荒」。

【箋注】

〔一〕作於宋太平興國五年（九八〇）。金石文考略卷一三重刻終南山上清太平宮碑：「上清太平宮碑，太平興國五年徐鉉奉勅撰，張振奉勅書。」鳳翔：隸陝西秦鳳路。見宋史卷八七地理志三。即

今陝西鳳翔縣。

〔二〕三災：佛教謂劫末所起的三種災害。刀兵、疫癘、饑饉爲小三災，火、風、水爲大三災。

〔三〕二季：指夏、殷兩代的末世。晉書卷五〇秦秀傳：「周公弔二季之陵遲，哀大教之不行，於是作謚以紀其終。」

〔四〕慈衛：道德經卷下三寶：「夫慈，以戰則勝，以守則固，天將救之，以慈衛之。」

〔五〕「五車兩騎，來爲牧野之祥」句：見卷一〇蔣莊武帝新廟碑銘注〔四六〕。

〔六〕「赤帝素靈，出表芒碭之應」句：傳說劉邦爲赤帝子，於芒碭山斬白蛇，遂發迹。見史記卷八高祖本紀。

〔七〕周王之翼翼：詩經大雅大明：「惟此文王，小心翼翼。」

〔八〕夏后之孜孜：尚書正義卷五益稷：「予何言？予思日孜孜。」

〔九〕雲門、大濩：周樂舞。用於祭祀天神。周禮注疏卷二二大司樂：「以樂舞教國子。舞雲門、大卷、大咸、大磬、大夏、大濩、大武。」鄭玄注：「此周所存六代之樂。」

〔一〇〕稷下、淹中：稷下指戰國齊都城臨淄西門稷門附近地區。齊威王、齊宣王曾在此建學宮，廣招文學游說之士講學議論。應劭風俗通義卷七窮通：「齊威、宣王之時，聚天下賢士於稷下，尊寵之。」淹中爲春秋魯國里名。在今山東曲阜市。漢書卷三〇藝文志：「禮古經者，出於魯淹中。」顏師古注引蘇林曰：「里名也。」

〔一一〕僊后：見卷一〇武成王廟碑注〔三〕。

〔一二〕「大禹會諸侯之地，盡入隄封」句：謂江南之國皆納入疆域。塗山爲禹大會諸侯之處。尚書正義卷五益稷：「予創若時，娶于塗山。」孔安國傳：「塗山，國名。」

〔一三〕「宣王逐獫狁之鄉，率從稽服」句：謂北方少數民族各國亦納入疆域。詩經小雅采芣：「嘽嘽、焯焯，如霆如雷。顯允方叔，征伐獫狁，蠻荆來威。」漢書卷七〇陳湯傳：「昔周大夫方叔、吉甫爲宣王誅獫狁而百蠻從。」按：宣王即周宣王。獫狁，我國古代北方少數民族名。史記卷一一〇匈奴列傳：「匈奴，其先祖夏后氏之苗裔也，曰淳維。唐虞以上有山戎、獫狁、葷粥，居於北蠻，隨畜牧而轉移。」

〔一四〕尉候：守邊的都尉與同敵的斥候。揚雄解嘲：「今大漢左東海，右渠搜，前番禺，後椒塗，東南一尉，西北一候。」

〔一五〕橐籥：盛箭和弓的器具。左傳僖公二十三年：「（晉文公）對曰：『若以君之靈，得反晉國。晉、楚」

治兵，遇于中原，其辟君三舍。若不獲命，其左執鞭弭，右屬橐鞬，以與君周旋。」楊伯峻注：「橐，音高，盛箭矢之器；鞬，音鍵，盛弓之物。」

〔六〕昭臺：即昭臺宮。漢宮名。漢書卷九七上孝宣霍皇后：「霍后立五年，廢處昭臺宮。」顏師古注：「在上林中。」

〔七〕漢皇訪道之臺：即樓觀臺。道教名觀。在今陝西至縣城東南秦嶺山麓。相傳周康王時，函谷關令尹喜曾在此結草樓而居，觀看天象，並在樓南高崗築臺，講授道德經，稱說經臺。該樓一名紫雲樓，後人創立道觀，稱「樓觀」。見雲笈七籤卷一〇四。參卷一〇筠州清江縣重修三清觀記注〔六〕。漢皇即漢武帝。信奉道教，追求長生。

〔八〕關令樓真之宅：關令即尹喜。見上注。

〔九〕定郊廓以下年：左傳宣公三年：「成王定鼎於郊廓，卜世三十，卜年七百，天所命也。」郊廓，周東都。故地在今河南洛陽市。

〔一〇〕岱宗：即泰山。居五岳之首，為諸山所宗。尚書正義卷三舜典：「歲二月，東巡守，至於岱宗。」孔安國傳：「岱宗，泰山，為四岳所宗。」探策：求策。曹植驅車篇：「探策或長短，唯德享利貞。」

〔一一〕龜出清洛：傳說大禹治水時，自洛水而出，背負洛書的神龜。尚書正義卷一二洪範：「天乃錫禹洪範九疇，彝倫攸叙。」孔安國傳：「天與禹，洛出書。神龜負文而出，列於背，有數至於九。禹遂因而第之，以成九類常道。」